



MENSAJEN HUSI DIRETOR NASIONAL

KONA-BA OXFAM IHA TIMOR-LESTE

ISTÓRIA SUSESU

ATIVIDADE PROGRAMA

Parseiru no Oxfam hatudu sinal inklusaun, simbolizá solidariedade no komitmentu ba inkluzividáde.
Foto: Joanicó Herman Soares Martins

ITA NIA LIAN

OXFAM IHA TIMOR-LESTE

Janeiru – Juñu 2024



OXFAM

Mensajen husi Diretor Nasional

Olá, belun no kolega sira,

Liu husi despedida ida ne'e, ha'u agradese tebes ba viajen ne'ebé ita hala'o hamutuk ona durante tinan 3.5 resin. Ha'u komesa servisu hamutuk ho Oxfam iha Timor-Leste bainhira pandemia COVID-19 mosu, tuir kedan ho inundasaun boot ida-ne'ebé akontese iha nasaun ne'e depois-de tinan 40. Ita-niaabilidade atu hasoru dezafiu hirak-ne'e sai hanesan esforsu koletivu ida atu harii futuru ida-ne'ebé naroman liu ba nasaun furak ida-ne'e. Durante tinan hirak-ne'e, ita-nia servisu iha Timor-Leste foka liu ba área prinsipál tol: justisa klimátika, justisa jéneru ka igualidade jéneru no dezenvolvimentu ekonómiku ne'ebé justu.

Diretor Nasional Oxfam iha Timor-Leste
Foto: Aderito Do Rosario Da Cunha Mambares/Oxfam

Liu husi ita-nia iniciativa justisa jéneru, ita empodera ona feto barak, hodi fó ba sira instrumentu no oportunidade atu lidera no susesu. Sira-nia reziliensia no determinasaun sai ona hanesan fonte inspirasaun. Hasoru krize klimática, ita-nia programa justisa klimática fó apoiu ba komunidade sira hodi adapta no hamenus ninja efeitu sira. Hamutuk, ita promove ona agrikultura sustentavel no asegura futuru ida-ne'ebé di'ak liu ba jerasaun sira tuir mai. Ita-nia kompromisu ba dezenvolvimentu ekonómiku ne'ebé justu haree ona ita-nia servisu atu kria oportunidade ne'ebé hanesan liuhusi suporta feto, mane, ema ho defisiénsia, no foin-sa'e sira, no advokasia ba política ne'ebé justu.



No ida ne'e hotu sei labele akontese se la iha dedikasaun no servisu maka'as husi ita-nia ekipa, parseiru, komunidade no parte interesada governu nian. Obrigadu ba ita-boot sira-nia apoiu no kolaborasaun. Iha ha'u nia jornada foun ne'e, ha'u lori ho ha'u lisaun sira ne'ebé ha'u aprende no sei hanoin-hetan buat ne'ebé ita kria hamutuk. Oxfam iha Timor-Leste sei kontinua la'o ba oin, no ita-nia misaun sei kontinua ho paisaun no komitmentu ne'ebé hanesan.



Kona-ba Oxfam iha Timor-Leste nia Servisu

Oxfam iha Timor-Leste (OiTl) nu'udar parte ida husi movimentu globál ne'ebé luta hasoru dezigualdade, kiak no justisa. Iha tinan 2021 Oxfam servisu hamutuk ho nasau 67 ho organizasaun hamutuk 3.500 liu hodi fornese programa millaun 22. Liu pursentu 50 husi sira ne'ebé serbisu hamutuk ho ami mak feto no labarik-feto sira. Oxfam sai ona parte ida husi istória besik tinan 50 ho povu Timor-Leste. Oxfam nu'udar organizasaun ida-ne'ebé foka liu ba direitu no lideransa iha ami-nia modelu parseria, atu nune'e ami-nia parseiru sira bele hala'o no lidera atividade programa iha komunidade rurál sira. Ita-nia objetivu ida mak atu avansa ita-nia servisu hodi influénsia dezafiu dezenvolvimentu sira hanesan direitu ba rai no diversifikasião ekónomika.

Distribuisaun ai-oan ba Komunidade Agrikultór Karbonu

Bainhira tempu udan hahú, parseiru Rai Matak sira foti pasu signifikativu ba sustentabilidade hodi fahe ai-oan oioin ba agrikultór sira ne'ebé envolve iha atividade agrikultura karbonu iha munisípiu Baucau, Covalima, Lautem, Likisa no Viqueque. Ai-oan oioin ne'ebé fornese inklui ai-mahoni, ai-kakeu, ai-kameli, ai-teka, ai-nitas ho ai-saria, hodi asegura espésie oioin ne'ebé riku hodi suporta saúde ambientál no benestar lokál sira.

Agrikultór sira hato'o sira-nia agradese no entuziazmu ba simu ai-oan ho kualidade di'ak, no hakarak atu kuda no kuida ai-oan sira-ne'e. Inisiativa ida-ne'e la'ós de'it hasa'e komunidade sira-nia moris-di'ak maibé mós kontribui ba benefísiu ekolojiku ba tempu naruk, promove futuru ida-ne'ebé di'ak liu no sustentavel liu ba rejiaun.





Kria Reziliensiā iha Timor-Leste: AFFOS no Oxfam nia Esforsu iha Suku Cunha

Iha área remota iha rejiaun Oe-Cusse Timor-Leste, Suku Cunha, Noe Ninen, hatudu reziliensiā komunidade liu husi inisiativa husi AFFOS no Oxfam. Ho apoiu husi projetu Australia nia Parseria Umanitariu - Disaster Ready, ne'ebé finansia husi Governu Australia, esforsu hirak-ne'e ho objetivu atu hamenus risku dezastre no hasa'e sustentabilidade.

Kuda ba Sustentabilidade: Estratéjikamente kuda ai-oan 300 ne'ebé bele prezerva bee no rai besik bee-matan no área sira ne'ebé iha dezastre estabiliza rai, hamenus erozaun, no asegura fornesimentu bee-matan ne'ebé estavel. Inisiativa ida-ne'e envolve komunidade tomak, promove biodiversidade no proteje produtividade agrícola.

Infiltrasaun Debu: Infiltrasaun Debu, ne'ebé kaptura bee-udan, harii ona atu hasa'e debit bee-matan. Atividade komunál ida-ne'e resulta bee-matan ne'ebé aumenta iha bee-matan lokál, hodi asegura bee-matan ne'ebé bele dura iha tempu bailoron.

Gabiaun hodi Hamenus Inundasaun: Atu kombate inundasaun, komunidade harii ona gabiaun - uza au no ense nakonu ho fatuk - iha mota-ninin sira. Estrutura hirak-ne'e, kombina enjeñaria modernu ho práтика tradisionál sira, hamenus impaktu inundasaun no proteje komunidade nia uma no toos sira.

Empodera Komunidade: Susesu iha Noe Ninen subliña importansia husi empoderamentu komunidade nian. Ho apoiu hosi AFFOS, Oxfam, no Governu Australia, komunidade sira hadi'a ona sira-nia ambiente no husik hela marka ba reziliensiā no sustentabilidade. Sira-nia esforsu koletivu no determinasaun garante futuru ida-ne'ebé naroman liu no seguru liu.



Gabiaun tradisional sira harii atu proteje komunidade sira husi inundasaun.

Foto: Aderito Da Rosario Da Cunha Mambares/Oxfam



Lansamentu Projetu HAMRIIK

Lansamentu ba projetu HAMRIIK (Hamentin Reziliensia Inkluzivu iha Komunidade) iha Rejiaun Espesial RAEOA, hetan apoiu husi Governu Nova Zelandia liuhusi Ministeriu Negosius Estranjeirus no Komersiu (MFAT). Inisiativa ne'e ho valór millaun 1.8 NZ\$ hodi harii reziliensia klimátika no adaptasaun iha komunidade rurál no uma-kain sira iha Oe-cusse no Likisa, ho foka liu ba feto no ema ho defisiénsia sira.

Iha ninia diskursu abertura, Sekretaria Jeral Edukasaun, Sosial no Solidariedade RAEOA nian, Sua Exelencia Sra. Inacia Tamelo, hateten "Ita-nia komunidade hasoru dezafiu oioin, no ita komprende katak governu mesak de'it la bele responde ba dezafiu sira-ne'e hotu. Ha'u apresia Oxfam no Governu Nova Zelandia ba lansamentu HAMRIIK iha Oe-cusse hodi fó apoiu ba komunidade sira hodi adapta di'ak liu ba mudansa klimátika."

HAMRIIK empodera komunidade sira liu husi promosaun agrikultura ne'ebé sustentavel, hasa'e seguransa bee, no rezolve kestaun jéneru no defisiénsia sira. Ho envolvimentu diretu ho ema na'in 1,400 resin no lori impaktu ne'ebé luan ba ema na'in 7,800 iha suku 12,



projetu ne'e ninia objetivu mak atu dudu mudansa sistemática, promove práтика inkluziva, no hodi ekipa politika nain sira hodi halo adaptasaun klimátika sustentavel.



Haforsa Reziliensia Komunidade: Vizita ba Oxfam nia Projetu Konservasaun Bee no Prevensaun Dezastre iha Oe-cusse

Iha loron 24 fulan-Maiu tinan 2024, Oxfam iha Timor-Leste, hamutuk ho nia Parseiru AFFOS, MANEO, BIFANO, Focal Point RHTO RAEOA no komunidade lokál simu S.E. Sekretariu Estadu Protesaun Sivil (SEPC) Sr. Domingos Mariano Reis nia vizita ba Usi-Tasae iha Postu Administrativu Oe-Silo no Naimeco iha Postu Administrativu Pante-Makassar, Oe-Cusse, RAEOA. Vizita hirak-ne'e ho objetivu atu observa konservasaun bee ne'ebé la'o hela no esforsu sira ba

konstrusaun gabaun tradisionál sira, importante tebes ba komunidade nia sustentabilidade no protesaun hasoru dezastre naturál sira.

Iha Usi-Tasae, Sr. Reis observa aspetu tékniku konservasaun bee nian ne'ebé implementa iha kolaborasaun ho Parseiru lokál sira no Oxfam iha Timor-Leste. Esforsu hirak-ne'e inklui partisipasaun ativu komunidade sira-nian iha kuda ai-oan oioin, ne'ebé hala'o papél importante ida iha prezervasaun bee-matan no prevene bee-matan sira-ne'e hodi maran durante tempu bailoron, nune'e bele asegura bee-matan ne'ebé bele fornese bee ba tempu naruk. Inisiativa ida-ne'e hanesan parte husi projeto #DisasterReady, ne'ebé finansia husi Australia nia Parseria Umanitariu.

Durante nia vizita ba Naimeco, Sr. Reis observa mos konstrusaun gabiaun tradisional, inisiativa ida-ne'ebé dezenvolve husi Parseiru lokál no komunidade sira iha parseria ho Oxfam iha Timor-Leste. Gabiaun, ne'ebé harii mak hanesan au ne'ebé ense nakonu ho fatuk, reprezenta métodu ida-ne'ebé kustu-efetivu no sustentavel hodi prevene erozaun rai no jere bee-mota, nune'e proteje komunidade husi inundasaun no rai-halai.

Vizita hirak-ne'e subliña importânsia husi kooperasaun entre autoridade lokál sira, komunidade sira no organizasaun internasional sira iha implementasaun medida prevensaun no mitigasaun dezastre nian sira atu hasa'e seguransa no moris-di'ak populaun nian iha Oe-Cusse, RAEOA. Esforsu kolaborativu iha Usi-Tasae no Naimeco hatudu impaktu signifikativu husi envolvimentu komunidade no apoio internacional hodi kria ambiente reziliente no sustentavel.



Hasa'e Reziliensia Komunidade: Semináriu Nasional Oxfam kona-ba Finansa Klimátika

Oxfam iha Timor-Leste hala'o ona semináriu nasional ho título "Haforsa Reziliensia Komunitaria ba Mudansa Klimatika liuhusi Finansa Klimátika." Eventu ne'e halibur parte-interesada oin-oin inklui reprezentante governu nian, ONG sira, akadémiku no membru komunidade sira atu responde ba impaktu husi mudansa klimática, ho foka partikulármente ba grupu vulneravel sira hanesan feto no ema ho defisiénsia sira.

Semináriu ne'e ninia objetivu mak atu promove diálogu no fahe solusaun inovativu sira, hodi foka liu ba rezultadu xave sira husi COP28, dezafiu sira ne'ebé relasiona ho asesu ba fundu klimátiku, no iniciativa finansiamentu klimátiku ne'ebé la'o hela iha Timor-Leste, liuliu sira ne'ebé suporta komunidade no feto vulneravel sira. Aprezentasaun no diskusaun panél sira hatudu oportunidade finansiamentu lokál sira, identifika prioridade asaun estratéjika sira, no subliña importânsia kolaborasaun entre parte interesada sira.

Partisipante sira inklui ofisiál governu, grupu foin-sa'e sira, ONG sira, universidade sira, no parseiru Oxfam sira, ne'ebé koletivamente esplora estratéjia sira atu hametin komunidade sira-nia reziliensia liu husi utilizasaun efetiva finansa klimática. Semináriu ne'e subliña papél krítiku husi parseria no esforsu koletivu sira hodi maximiza impaktu husi iniciativa finansiamentu klimátiku iha Timor-Leste laran tomak.

Semináriu ne'e fasilita oportunidade rede entre partisipante sira, promove kolaborasaun foun no fahe koñesimentu ba-malu. Ida ne'e fornese plataforma ida ba partisipante sira atu hatudu projeto inovativu sira ne'ebé efetivamente hasa'e komunidade nia reziliensia ba mudansa klimática. Diskusaun sira-ne'e mós halo parte iha papél edukasaun no advokasia nian iha konstrusaun reziliensia klimática iha nível baziku, hodi hatudu nesesidade ba envolvimentu kontinuadu no iniciativa kapasitasaun.

Semináriu ne'e sai hanesan katalizador ba kompromisu renovadu ba dezenvolvimentu sustentavel no adaptasaun klimática iha Timor-Leste, advokasia ba aprosimasaun inkluziva no partisipativa hodi rezolve dezafiu sira ne'ebé mosu husi mudansa klimática ba komunidade lokál sira.



Hasa'e reziliensia komunidade liu husi estratéjia finansiamentu klimátiku iha Semináriu Nasional Oxfam iha Timor-Leste.
Foto: Aderito Do Rosario Da Cunha Mambares/Oxfam



Komunidade no Patseiru Kadadak Sulimutuk Institute harri gabjun bambu-rock atu hapara sedimentu no volume bee.
Photo: Adérito Do Rosario Da Cunha Mambaras / Oxfam

Oxfam iha Timor-Leste Hasoru ho Embaixador Asuntu Klimátika Sr. Adao Soares Barbosa

Oxfam iha Timor-Leste hala'o sorumutu produtivu ho Sua Exelensia Embaixador Adao Soares Barbosa, Embaixador Timor-Leste ba Asuntu Klimatiku nian. Diskusaun sira-ne'e foka liu ba estratéjia sira atu hasa'e asesu ba finansiamentu klimátiku, liu-liu ba komunidade sira hanesan feto, ema ho defisiénsia, agrikultór no komunidade rurál sira, iha ámbitu UNFCCC nian.

Iha Timor-Leste, hanesan iha rejiaun barak iha mundu tomak, feto no komunidade vulneravel sira sofre impaktu boot husi mudansa klimática. Sorumutu ne'e hatudu katak urgente tebes atu rezolve lakuna sira iha asesibilidade finansa klimática no dezafiu espesífiku sira ne'ebé feto sira hasoru iha Timor-Leste no iha fatin seluk. Sua Exelensia Embaixador, sai hanesan membru Konsellu ida husi ema na'in rua ne'ebé reprezenta nasau ki'ik (Singla Ingles - LDCs) kona-ba Fundu Lakon no Estragus (Sigla Ingles - LDF) ne'ebé foin estabelese ona, emfatiza mos kona-ba prioridade advokasia ba nasau kiik sira no Timor-Leste. Prioridade hirak-ne'e inklui asegura asesu no desembolsu ne'ebé lais ba Fundu Lakon no Estragus durante dezastre klimátiku ne'ebé akontese derepente, facilita apoiu tuir tempu ba komunidade sira ne'ebé afetadu husi dezastre sira ne'ebé kauza husi klima.

Sorumutu ne'e mós esplora área potensiál sira ba kolaborasaun entre Oxfam iha Timor-Leste no Sua Exelensia Embaixador.

Oxfam iha Timor-Leste inklui Fausto (Nino) Belo Ximenes, Diretor Nasional Oxfam International ba Timor-Leste; Lucio Savio, Jestaun Finansas Klimatika; Teal Crossan, Asesor Finansas Klimatika; Adilson da Costa Junior, Estratejia no Envolvimentu; no Aderito Mambares, Koordenador Komunikasaun. Oxfam hato'o parabéns ba sua Exelensia Embaixador ba nia knaar nu'udar membru Konsellu LDF nian ne'ebé reprezenta LDC 40 resin, no dezeju nia susesu nafatin hodi hasa'e esforsu reziliensia klimática iha nível global.



Haforsa Salva Guarda iha Timor-Leste

Oxfam iha Timor-Leste, iha kolaborasaun ho Forum Tau Matan, organiza sesaun treinamentu ne'ebé komprehensivu kona-ba Protesaun Labarik durante fulan-tolu ba ami-nia parseiru programa sira no mós staff Oxfam nian. Tuir mai, formasaun esensiál ida-ne'e sei sai hanesan fiksaun anuál ida ba Oxfam iha Timor-Leste, hodi asegura katak ema hotu ne'ebé envolve iha ita-nia programa sira iha koñesimentu noabilidade ne'ebé presiza atu proteje labarik sira-nia moris-di'ak.



Diskursu abertura husi Diretor Nacional ba Treinamentu.
Foto: Aderito Do Rosario Da Cunha Mambares/Oxfam



Diskusaun grupu durante treinamento Salva Guarda.
Foto: Aderito Do Rosario Da Cunha Mambares/Oxfam

Ami-nia kompromisu atu proteje labarik sira sai hanesan forsa ida ne'ebé dudu ami husi inisiativa ida-ne'e. Liu husi envolvimentu workshop no diskusaun kle'an, ami-nia parseiru sira hetan koñesimentu no instrumentu importante sira atu hasa'e protesaun labarik iha área projeto Oxfam nian. Tópiku sira ne'ebé kobre inklui rekoñese sinál abuzu, implementa mekanizmu relatóriu efetivu, no kria ambiente apoiu ba labarik sira.

Aleinde sesaun treinamentu formál sira, partisipante sira iha oportunidade atu fahe sira-nia esperiênsia no práтика di'ak liu. Aprosimasaun aprendizajen ida-ne'e promove ambiente kolaborativu ida-ne'ebé ema hotu bele aprende husi susesu no dezafiu sira. Bainhira treinamentu ne'e remata, partisipante sira sente fier-an liu no prontu atu rezolve kestaun protesaun labarik iha sira-nia organizasaun laran.



Parseiru sira envolve iha diskusaun treinamento Salva Guarda.
Foto: Laurentina Mola Amaral/Oxfam

labarik ne'ebé aas, hodi empodera ita-nia parseiru sira atu kria ambiente ne'ebé saudavel no seguru liu ba labarik sira. Ami fier katak bainhira investe iha kapasitasaun ita-nia parseiru sira-nian, ami



Parseiru sira envolve iha atividade treinamento Salva Guarda.
Foto: Laurentina Mola Amaral/Oxfam

foti ona pasu signifikativu ida hodi asegura protesaun no moris-di'ak labarik sira-nian iha ami-nia área projeto sira.

Ba oin, ami planu atu haluan ami-nia esforsu protesaun labarik liu husi dezenvolve rekursu adisionál no rede apoiu. Ami mós buka oportunidade atu envolve ho komunidade lokál no eskola sira hodi hasa'e konsiénsia kona-ba asuntu protesaun labarik. Liu husi serbisu hamutuk ho ita-nia parseiru sira no komunidade ne'ebé luan liu, ita bele kria ambiente protesaun ida-ne'ebé di'ak liu ba labarik sira iha Timor-Leste laran tomak.

Iha Oxfam, ami emfatiza tebes kona-ba responsabilidade no kontabilidade iha ami-nia esforsu hotu. Treinamentu ne'e subliña ita-nia dedikasaun atu mantein padraun protesaun



Relatório Foun Hatudu Nesesidade ba Vendedor Feto iha Oe-cusse

Oxfam, iha kolaborasaun ho parseiru sira BIFANO, AFFOS, MANEO, no RHTO no ho apoiu husi Bridging Peoples, fó sai ona Avaliasaun Merkadu Jeneru iha Oe-cusse. Relatório ida-ne'e ko'alia liu kona-ba papél esensiál merkadu lokál sira-nian iha empoderamentu ekonómiku ba feto sira, ne'ebé envolve iha atividade ekonómika oioin hodi suporta sira-nia uma-kain. Avaliasaun ne'e identifika dezafiu sira ne'ebé vendedor feto sira hasoru iha Oe-Cusse no sujere estratégia sira atu rezolve obstáculo sira relasiona ho asesibilidade, seguransa no protesaun ba feto, labarik-feto no ema ho defisiénsia sira.

Peskiza konsistente hatudu katak feto sira baibain investe fali sira-nia rendimento ba sira-nia família nia moris-di'ak, kontráriu ho mane sira ne'ebé bele gasta ba induljensia pesoál. Iha Timor-Leste, feto sira kompostu husi 75-90% husi vendedor merkadu munisípiu no sub-municipal sira, hodi subliña importânsia husi merkadu sira ne'ebé saudavel, seguru no asesivel ba empoderamentu ekonómiku feto nian.

Avaliasaun ne'e foka liu ba merkadu komunitáriu rua iha Oe-cusse: Maumate no Pune. Rezultadu prinsipál sira hatudu nesesidade urgente atu hadi'a infraestrutura merkadu, inklui sistema bee no drenagen, jestaun lixu, no reabilitasaun konstrusaun. Preokupasaun krítiku sira seluk inklui haluan merkadu, separasaun facilidade merkadu ba vendedor mane no feto sira, hadi'a asesibilidade ba ema ho defisiénsia sira, no kontrola di'ak liu animál sira.

Hodi rezolve kestaun hirak-ne'e, avaliasaun ne'e ho objetivu atu hasa'e asesibilidade, seguransa no protesaun ba merkadu lokál sira, hodi nune'e bele fó apoiu ba empoderamentu ekonómiku ba feto sira iha Oe-cusse.

Komunidade Hera Enfrenta Dezafiu Pos-Siklone

Representante sira husi komunidade Hera, ne'ebé hetan impaktu maka'as husi siklone Seroja iha tinan 2021, partisipa iha programa Radio Telivizaun Timor-Leste "Ita nia Bainaka" ne'ebé organiza husi Oxfam iha Timor-Leste. Durante programa ne'e, Sra. Dilva Emilina Rodrigues Filipe, Sr. Tito Maia, no Sr. Pedro Hortencio fahé sira-nia perspetiva, hodi ezije governu atu avalia kendas kondisaun moris no dezafiu uma-kain ne'ebé komunidade afetadu sira hasoru durante tinan tolu nia laran.

Diskusaun ne'e hamosu kestaun krítiku balun, inklui na'in ba rai ne'ebé la klaru no falta opsaun alternativa ba hela-fatin, liuliu ba família sira ho labarik sira. Preokupasaun sira-ne'e kontinua hamosu dezafiu signifikativu ba populasaun sira ne'ebé afetadu, hodi subliña nesesidade ba intervensaun urgente governu nian.

Atu rezolve kestaun hirak-ne'e presiza política governu nian ne'ebé komprensivu, hanesan hateten iha diskursu. Projeto Direitu Rai no Feto hala'o papél importante ida iha advokasia ba solusaun ba dezafiu hirak-ne'e, ho objetivu atu hadi'a kondisaun moris no seguransa uma ba komunidade Hera.



Komunidade no Parseiru halo Diskusaun Dezafiu Pos-Siklone iha Programa TV Bainaka.

Foto: Rede Ba Rai Timor-Leste

Relatório Oxfam Hatudu Dezafiu ba Ema ho Defisiénsia iha Timor-Leste

Oxfam iha Timor-Leste fó sai ona relatório foun ida-ne'ebé detalla dezafiu sira ne'ebé ema ho defisiénsia sira hasoru (PWD) hodi atinji inkluzaun sosiál. Maske atualiza ona ba Planu Asaun Nasional no ratifikasioun Konvensaun Direitu Ema ho Defisiensia ONU nian (CRPD), implementasaun nafatin la konsistente, ho padraun asesibilidade ne'ebé bele implementa. Barreira sira inklui asuntu koordenasaun ministériu nian, falta finansiamantu, no política akomodasaun ne'ebé la klaru. Dadus kona-ba defisiénsia limitadu sai hanesan bareira ba avaliaasaun política nian.



EhD iha Timor-Leste hasoru prejuizu barak, dezigualdade ekonómika, obstáculo ba empregu no edukasaun, no asesu la adekuadu ba servisu públiku no infraestrutura sira. Dezafiu hirak-ne'e signifikativamente hanetik sira-nia integrasaun tomak iha sosiedade, hodi halo marjinalizasaun sistemática.

Relatório ne'e rekomenda aliña política ho CRPD no DNAP, halo revizaun ba política inkluzau, atualiza DNAP ho dadus sensu atuál, nomeia Embaixador Defisiensia, lejislasaun padraun dezeňu universál, standardiza lian jestu, no parseria ho Organizasaun Ema ho Defisiensia (OHD). Pasu hirak-ne'e importante tebes atu kria ambiente ida-ne'ebé inkluzivu liu, iha ne'ebé EhD bele partisipaativamente iha aspetu hotu-hotu sosiedade nian.

Oxfam no Parseiru sira Hala'o Reflesaun Anual ba Planu Inisiativa Futuru

Oxfam iha Timor-Leste, hamutuk ho parseiru sira hanesan Asosiasiun Defisiensia Timor-Leste (#ADTL), Grupu Promotor, Raes Hadomi Timor Oan (#RHTO), no Core Group Transparency (#CGT), hala'o reflesaun anuál iha Likisa hodi halo revizaun ba progresu no planu sira iha tinan oin mai. Partisipante sira envolve iha diskusaun ne'ebé produtivu hodi identifika rezultadu, dezafiu no solusaun kolaborativu sira.

Programa ne'e, fasilita husi Oxfam iha Timor-Leste hamutuk ho RHTO, ADTL no CGT, sai hanesan plataforma ida ba avaliaun komprehensivu no planeamentu estratéjiku. Tópiku prinsipál sira inklui impaktu husi inisiativa sira, área sira ne'ebé presiza hadi'a, no estratéjia potensiál sira atu rezolve obstáculo sira.

Reflesaun anuál ida-ne'e importante tebes atu asegura progresu ne'ebé la'o hela no hasa'e efikásia husi esforsu kolaborativu sira hodi promove inkluzau sosiál no transparénsia iha Timor-Leste. Eventu ne'e subliña importânsia husi parseria no asaun koletiva hodi responde ba dezafiu sira ne'ebé komunidade hasoru.



Envolvimentu iha diskusaun ne'ebé di'ak, feto na'in rua no mane
ida kolabora hodi fahe ideia no hanoin ba malu.

Foto: Aderito Do Rosario Da Cunha Mambares/Oxfam



Projetu Open the Books Foka ba Inisiativa Edukasaun Inkluziva

Oxfam no parseiru lokál sira, inklui ADTL, RHTO, CGT, Grupu Promotor, no AHDMTL, konvoka Sorumutuk Kortezia ho reprezentante sira husi Ministeriu Edukasaun atu diskute área xave sira inklusaun defisiénsia iha edukasaun. Entre partisipante sira-ne'e mak Diretor Edukasaun Kurikulu, Xefe Departamentu Inkluzaun, no Asesor Kurikulu ba Ministru Edukasaun. Diskusaun ne'e foka liu ba hadi'a no haluan Sentru Rekursu Inkluzivu, estabelese Eskola Inkluziva ida-ne'ebé hanesan, halo política nacionál kona-ba lian jestuál, no responde ba asesibilidade eskola nian.

Representante sira husi Ministeriu Edukasaun afirma katak inklusaun defisiénsia nu'udar prioridade boot ida. Diresaun Kurikular no Departamentu Inkluzaun kompromete atu aloka fundus atu haluan Sentru Rekursu Inkluzivu ba Munisipiu Covalima, Manufahi no RAEOA. Planu sira mós la'o daudaun atu hasa'e asesibilidade eskola no dezenvolve política sira ba Eskola Nasional Lian Jestuál no Igualdade Inkluziva, ho objetivu atu hasa'e padraun edukasaun ba Ema ho Defisiensia sira.

Aleinde ne'e, Departamentu Inkluzaun promete atu kolabora besik ho Organizasaun Ema ho Defisiensia sira, hodi utiliza sira-nia esperiénsia no rekursu hodi fasilita implementasaun inisiativa inklusaun defisiénsia sira. Esforsu ida-ne'e, iha ámbitu projetu Open the Books, subliña kompromisu atu kria ambiente edukasaun ida-ne'ebé inkluzivu no asesivel liu ba estudante hotu-hotu.

Peskiza Kolaborativu Kona-ba Direitu Eransa Oan-Feto nian iha Sistema Patrilineal

Iha Timor-Leste, sistema patrilineal tradisionalmente favorese mane sira iha direitu eransa no propriedade. Oxfam servisu hamutuk ho parseiru Rede Rai - hanesan Jurista Advokasia, Fokupers no ACbit - hodi hala'o estudu kazu neen iha munisípiu lima kona-ba "oan-feto nia direitu ba rai no eransa iha área patrilineal sira."

Objetivu husi peskiza ida-ne'e, lidera husi Oxfam iha Timor-Leste, mak atu kompriende norma sosiál sira obstáculo sira relasiona ho feto sira-nia direitu ba rai no atu haforsa prosesu peskiza kolaborativu sira, hodi fó atensaun ba dezeñu lokál, peskiza kampu, no análise hanesan parte ida husi práтика peskiza descolonizaun nian. Rezultadu sira hatudu katak iha munisípiu barak, iha tendénsia atu fahe rai hanesan entre oan-mane no oan-feto sira. Iha munisípiu Aileu, práтика ida-ne'e hetan apoiu husi tempu antigu, ho labarik-feto sira enkoraja atu rejista rai ho sira-nia naran rasik. Maibé, dezafiu sira kontinua, hanesan akordu rai informál ne'ebé sai dezvantajen ba feto sira ne'ebé laiha dokumentasaun eskrita. Aleinde ne'e, Timor-Leste nia falta ba titulu rai sei nafatin sai problema ba feto sira-nia rekoñesimentu nu'udar rai-na'in.

Relatóriu ne'e sei lansa hodi advokasia iha nível politika nasional no hasa'e konsiénsia entre komunidade rurál sira. Peskiza ne'e mos ho objetivu atu esplora obstáculo sira ne'ebé impide feto sira atu rejista sira-nia rai, ida ne'e hodi kontinua Oxfam nia kompromisu atu responde ba dezigualdade jéneru iha direitu ba rai nian.



DEMOCRATIC REPUBLIC OF TIMOR-LESTE
SECRETARIAT OF STATE OF EQUALITY AND INCLUSION (SEII)



TIMOR-LESTE'S BEIJING DECLARATION AND PLATFORM FOR ACTION (BPfA) NATIONAL REVIEW AND APPRAISAL REPORT (2014-2018)

PREPARED BY
THE SECRETARIAT OF STATE FOR EQUALITY AND INCLUSION (SEII)
Rua dos Mártires da Pátria, Caicoli (Ex-Obrigaço Barracks) Dili, Timor-Leste
Tel.: +670 331 1391 www.seii.gov.tl facebook/seiirdtl

SEII Timor-Leste Utiliza Oxfam nia Relatoriu Avaliasaun ba Jeneru

Sekretaria Estadu Igualdade no Inklusaun (SEII) iha Timor-Leste inkorpora ona Oxfam nia Avaliasaun Merkadu Jeneru iha ninia revizaun no avaliasaun ba Relatoriu Nasional Deklarasaun no Plataforma Asaun (BPfA) (2014-2018). Avaliasaun ida-ne'e fornece informasaun ne'ebé ezensiál kona-ba dinámika jéneru iha merkadu nia laran, hodi apoia SEII nia esforsu atu hasa'e inisiativa igualdade jéneru aliña ho enkuadramentu política nasional sira.

Liu husi avaliasaun Oxfam nian, SEII ninia objetivu mak atu hametin ninia estratéjia no intervensaun sira ho objetivu atu promove igualdade jéneru no inklusaun iha Timor-Leste laran tomak.

Empodera Komunidade sira Liuhusi Inisiativa Poupansa ba Mudansa

Rai Matak, iha kolaborasaun ho parseiru sira hanesan Fundasaun Ho Musan Ida (F-HMI) iha Baguia, Fundasaun Timor Verde (FTV) iha Baucau, Sentru Komunidade Covalima (CCC) iha Covalima, no Fundasaun Nova Esperansa Timor-Leste (F-NETIL) iha Likisa, estabelese ona grupu 35 Poupansa ba Mudansa (ROMANSA) iha komunidade sira. Grupu hirak-ne'e koletivamente envolve membru 529, kompostu husi feto 386, mane 139 no mane ho defisiénsia 4.

Durante siklu fulan 12 nia laran, Oxfam ho nia parseiru sira fó apoiu no orientasaun ne'ebé krusiál ba komunidade sira hodi dezenvolve matadalan operasional ba grupu ROMANSA nian. Tamba ne'e, grupu haat - grupu rua husi Fundasaun Timor Verde Baucau no grupu rua husi Fundasaun NETIL-Liquica - kompleta ona siklu ida ho susesu no hahú ona inisiativa siklu foun kona-ba Poupansa ba Mudansa.

Inisiativa ida-ne'e subliña kompromisu atu promove empoderamentu ekonómiku no reziliensia komunidade liu husi esforsu kolaborativu. Liu husi fasilita komunidade lokál sira atu jere sira-nia rekursu finanseiru ho efetivu, grupu ROMANSA nian objetivu mak atu hasa'e kondisaun moris no promove dezenvolvimentu sustentavel iha Timor-Leste laran tomak.



Empodera Joven: Programa Interkambiu Sai Hanesan Dalan ba Kriatividade no Dezenvolvimentu Rural

Grupu foin-sa'e kriativu ida ho naran Timor-Leste Organic Fertilizer (TILOFE), hamutuk ho Forum Juventude Defisiensia Timor-Leste (FJDE), Ermera Aikulat Mutin Organiku (EAMO), Alumni Parlamentu Foinsae Timor-Leste (APFTL), no Asosiasaun Jornalista Timor-Leste (AJTL), kolabora ho Oxfam iha Timor-Leste hodi organiza programa interkambiu produtivu ida. Inisiativa ida-ne'e halibur hamutuk foin-sa'e enerjetiku no inovador sira husi munisípiu sanulu-resin-rua no Oe-Cusse RAEOA ho tema "Lori Matenek Fila ba Baze Hodí Hamoris Ekonomia rurál no ba Nasau."

Programa Interkambiu foinsa'e dahuluk ne'e, parte husi Projetu HAKFOUN (Haforsa Lian no Kreatividade Foinsa'e Inkluzivu), observa partisipasaun maximu husi grupu foinsa'e na'in rua-nulu-resin-lima. Eventu ne'e inklui reprezentante sira husi Autoridade Munisipiu Ermera, Postu-Administrador Railaco, SEPFOPE Munisipiu Ermera, Polisia Nasional, Xefe Suku Fatuk Kero, estudante sira husi East Timor COFFEE Institute (ETCI), no média lokál sira.

Postu-Administrador Railaco, Sra. Micaela dos Santos Soares, no autoridade lokál sira seluk hato'o sira-nia apresiasaun ba Oxfam no ninia parseiru sira-nia esforsu hodi organiza eventu ne'e iha Suku Fatuk Kero. Sira kompromete atu kontinua fó apoiu ba foinsa'e kriativu sira husi munisípiu sira seluk, hodi enkoraja sira atu kontinua aprende no fahe esperiénsia prática durante implementasaun programa interkambiu iha Munisipiu Ermera.

Programa ida-ne'e hatudu importânsia husi kolaborasaun entre TILOFE, EAMO, FJDE, AJTL no Oxfam iha Timor-Leste, hodi hatudu podér esforsu koletivu hodi dudu dezenvolvimentu sustentavel no empoderamentu ba foinsa'e sira.



Kalendáriu Eventu Tentativu

Jullu - Dezembru 2024

- Halo revizaun ba SDMC (Komisaun Jestaun Dezastre Kuku) iha suku sira iha Oe-cusse, Ermera, Likisa no Dili (Jullu - Dezembru 2024)
- Revizaun Planu Asaun Komunitaria iha suku sira iha Oe-cusse, Ermera, Likisa no Dili (Jullu - Dezembru 2024)
- Implementasaun atividade eskala ki'ik sira hanesan estabelese gabiaun lokál, terasu, tekniku harii debu sira iha área alvu sira iha suku 22 iha Oe-cusse, Ermera, Likisa no Dili (Agostu 2024 - Maiu 2025).
- Treinamentu CBDRM ba parseiru no membru SDMC sira (Jullu - Dezembru 2024)
- Treinamentu Open Street Map (Jullu Dezembru 2024)
- Akordu Traballu Parseiru - (Jullu 2024)
- Baseline (Agostu 2024)
- Atividade konservasaun bee no rai husi parseiru sira iha suku 12 iha Oe-cusse no Likisa (Agostu 2024 - Marsu 2025)
- Reflesaun anuál ho parseiru, reprezentante governu, lider komunitáriu no membru komunidade sira (Marsu 2025)
- Hala'o treinamentu agroflorestal iha Likisa (CCC no NETIL sei hala'o treinamentu durante semana ida iha Likisa enkuantu, HMI no Timor Verde sei hala'o iha Baucau (July 2024)
- Lansamentu Foundation Rai Matak (13 Agostu 2024)
- Reflesaun ho komunidade iha kada munisípiu ne'ebé ita sei halibur lisaun aprende husi kada projeto (Outubru)

Acronyms

AHP	: Australian Humanitarian Partnership
CEDAW	: Committee on the Elimination of Discrimination against Women
CRPD	: Convention on the Rights of Persons with Disabilities
CBRN-TL	: Community Based Rehabilitation Network Timor Leste
DRP	: Disaster READY Program
DFAT	: Department of Foreign Affairs and Trade
EhD	: Ema ho Defisiensia
EU :	: European Union
FONGTIL	: Forum ONG Timor-Leste
GALS	: Gender Action Learning System
GfD	: Governance for Development
HMI	: Ho Musan ida
KSI	: Kdadak Sulimutuk Institute (KSI)
MFAT	: Ministry of Foreign Affairs and Trade
NETIL	: Nova Esperanca Timor-Leste
OiTL	: Oxfam in Timor-Leste/Oxfam iha Timor-Leste
OTB	: Open the Books
OSS	: Organizasaun Sosiedade Sivil
RAEOA	: Rejiaun Administrativa Espesial Oe-Cusse Ambeno
RbR	: Rede ba Rai
RHTO	: Ra'es Hadomi Timor-Oan
SRA	: Sentru Rekursu & Advokasia
ETCI	: East Timor COFFEE Institute
SEII	: The Secretariat of State of Equality and Inclusion

OXFAM IHA TIMOR-LESTE

Avenida Hudi Laran Dili, Timor-Leste
+670 3312 605

